

Polko Sokome Irisayó Mu Nakayáṅoní Topé Timoti Nuno Uró Mandé Kembé

Komo suki uni kato sokome ṅa **Grik** mande-wore nakayáṅaró, ko eneṅo owí nekaró, “Pol,” yaró. Uni ṅuko **asáṅowí uni** Pol nanṅe. (1 *Timoti 1:1* weyo qembe.) Timoti ṅuko Pol koro kho kopo ka, iwí muko Grik uni ka, nimí muko Juda inṅondutu pare ka. (*Asá yerewí Uni 16:1* weyo qembe.) Enendo Pol koya kho tero uyareyara. Itaka inṅo-inṅo uni kumimbo ṅande ye inṅoyotenṅo, ko enendo kumima naru 64AD ṅuno **Rom** ṅuno kusi-kusi yano yotoro sokome ṅa nakayáṅaró, peka. (Asa “64AD” murí muko ṅandiro, ko Yesu nimí pisiyaró, yate kumima naru 64 ṅunde rotaró. Nore kumima naru 2,000 ṅunde rotoro yate itaka yoteto.)

Koretero, unindo Pol kusiyoyi **Rom** yendémo yora, asa 62AD ṅuno peka **Rom** unindo re rotoyí toṅero Spen mira andusina ṅuno uyareró. Nuno uyaro kho tero 63AD peka pitu ko Masedonia mirako ṅuya Esia mirako ṅuya ṅuno Kiriti noko mosowímo ṅuno kho taró. Nū naruko ṅuno enendo Efesus yendémo ṅuno uro **unipare meté horé** ṅuno rukiso yerewero guro Timoti ṅuno re rotaró. Imemongo ta Polko pitu ko **Rom** yendémo ṅuno oró. Oní **Rom** koro wiri yerete uni parámi keta qu, owí muko Nero, ṅundo Anutu

koro unipare o piyimi te yunoyangurí. Nunde tini 64AD nuno kuma unindo pitu ko Pol toworo kusi-kusi yano rotaró. Nū naruko nange sokome ŋa nakayáŋoro riní Timoti nuno uró. Nakayáŋaró, yate **Rom** unindo Pol uri khumaró.

¹ No Pol, Kristo Yesu koro asáŋowí uni.* Anutuko yoto-yoto Kristo Yesu† quroko ŋu nore nunowero ŋuro mande kusiyaró. Asa ko eneŋo ino-inoyó howero yoto-yoto ŋuro yesowowero quro no rokó nereró.

² Timoti, keko neneŋo nanone horé, nondo sokome ŋa keŋo nakayáŋoteno. Meté Anutu Awandoya Uni Paráminani Kristo Yesu koya samaka-samaka tuwó kunoro, sikínge te kunoro newondeke riri ime yoweya.

Polko Timoti newondí rukisoyaró

³ No ino-ino sara quwore Anutu koro khoyó usisambanembo tangurí ŋu nuya teyoteno. Nunde tero Anutu yungunaŋoro kosa suwo keŋo hariri teyoteno. ⁴ Nondo tendoro tonengeporo sonoyó umbuyote ŋuro inoro pitu ko kiyowero kondé inoyoteno. Nunde kiyoroqo, ninngu-ninngu parámi tewano. ⁵ No ŋande inoteno, keto Yesu hamó inondutuwoyote. Koretero umbike Lois

* **1:1:** “asáŋowí uni” ŋuko Yesuko rokóŋoro asáŋoní eneŋo khoyó taró. † **1:1:** “Kristo Yesu” - komo suki ye-ye unindo Anutuko uni ka rokóŋoní mahero wiri yerete uni parámi horé tunogeweya qu karo yangurí. Juda unipareto uni maheweya ŋu, “Kristo,” ma, “Mesaiya,” ye nekaŋgurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nange ye nekaŋgurí.

koya nánge Yunis koya inondutuwoyariyó, itaka ke nyaya nunde nanje inondutuwoyote.

⁶ Nunde njuroko nondo, ino-inoke reweka otogoní, yero inoteno. Komo nondo kandene kembakemo rewe Anutuko puriño kunoní te sombé qembe newondekemo tunoqaró. Asa ko itaka te sombé nu huwoka kanjuya parámi qaní. ⁷ Dokoro, Anutuko Yuqa nore nunaró njuko nore noriní kama soreyoteto. Kini, nu Yuqa njundo nore wimbu nunoní unipare newonde meté yunoro yoto-yotonani kondé sopoyoteto.

⁸ Nunde njuro Uni Paráminanimboro mandí yewero guro kowi piyo ma tewero, ko no enejo kusi-kusi uniyó, nenejo kowi piyo ma tewero. Kini, ke Anutu koro wimbí kondé nu reya noya quhurí koroworo miti mande† ye qembe. ⁹ Anutuko rambaruru konjo nore noraró, ko enejo unipareyó tunoqewero guro neko nereró. Quko enendo norendo kho ka tatowó njuro inoro kama neko yereró, kini. Anutu enenombo yero Kristo Yesuwore§ samaka-samaka tuwó** nore nunaró. Hamó, komo suki, enendo oka kama towoyoní, o nu nunowero njuro, ye inaró. ¹⁰ Quko itaka, enendo Kristo Yesu, norejo Rambaruru

† **1:8:** “miti mande” njuko Anutuko Kristo asájoní khumoro quhurínanimboro kimo tiní Anutu koya newonde kanata tewero njuro mande meté mu nanje. § **1:9:** “Kristo Yesu” - komo suki ye-ye unindo Anutuko uni ka rokójoní mahero wiri yerete uni parámi horé tunoqeweya qu karo yangurí. Juda unipareto uni maheweya nu, “Kristo,” ma, “Mesaiya,” ye nekanjurí. Asa Yesu mahiní enejo unipareyó, “Kristo Yesu,” ma, “Yesu Kristo,” nanje ye nekanjurí. ** **1:9:** “samaka-samaka tuwó” njuko Anutu enenombo nore samaka yereyote. Kimoyó moré kini.

Kongo Norewero Uninani ŋu tunomo tunoqaró quno ŋuno samaka-samaka tuwó ŋu rihimaró. Rihimoro miti mandewore kindo khumowero ŋu riní umbuní yoto-yoto suki-suki rero hiyómo rotoní qeneyoteto. ¹¹ Nunde tero no rokó niriní miti mande ŋuro yesowowero uni tunoqanowó, asáŋowí uni†† tunoqanowó, rondaqe-rondaqe uni tunoqanowó. ¹² Nū murí ŋuro quhurí kowoyoteno. Quko ŋuro kowí piyo kama teyoteno. Dokoro no dani karo inondutuwoyanowó ŋuro inomukoteno. Ko ŋande inoyoteno, enendo neneŋo re inanowó ŋu meté kawaware tiní naru weŋa quno‡‡ ŋuno meté yowano.

¹³ Komo nondo mande meté rondaqe kulanowó. Asa Kristo Yesuwore inondutu meté tero newonde meté yunoro mande ŋu towoya howe gembe. ¹⁴ Asa keto Yuqa Surumí quro nanimoyote ŋuro wimbímbo mande meté kunaró ŋu kawaware te gembe.

¹⁵ Ke ŋande inote, Esia mira parámimo ŋuno uni soso, Pikelus ko Heromokenes ŋuya, ŋu soso no norotomukanŋurí.

¹⁶ Uni Parámimbo Onesiporus koya suwisawiyómboya sikiye te yunoní. Dokoro enendo naru gambu no newondene riní meté taró. Ko enendo no kusi-kusi yano yoteno ŋuro kowí piyo kama teyote. ¹⁷ Kini, Rom yendémo ŋano mahero koweyumu tero no seqa nereyate

†† **1:11:** “asáŋowí uni” ŋuko Yesuko rokóŋoro asáŋoní eneŋo khoyó taró. ‡‡ **1:12:** “naru weŋa” ŋuko naru Kristoko pitu ko mahero unipare soso ronda yerero Anutuko o soso hamó wiriyoweya. (1 Tesalonaika 2:19; 5:23 koya 1 Korin 15:24-28 weyo gembe.)

niyaró. ¹⁸ Uni Parámimbo naru wenja quno sikí te inoní. Ke ndande injomukote, enendo Efesus yendémo njuno naru qambu no samaka nereyara.

Timotiko Kristo Yesu koro kuma uni

2

Timoti Kristo Yesu koro kuma uni qembe kondé kanjeweya

¹ Asa, nene nanjone, Kristo Yesu* koro samaka-samaka tuwó† reya kondé kanjeyoto. ² Ko mande soso nondo unipare tonejemo yewe injaró, mande nu reya uni topo otete meté howeyotengo nu yunoyika enepa nanje rondaqero uni meyowo yunowanjo. ³ Kristo Yesu koro kuma uniyó qembe noya quhurí korowo qembe. ⁴ Uni ka kuma unindoro kho teyote njuko kho enesó-enesó meyowo nu njuya kama towoyoweya. Kini, enenjo sopo-sopoyómbó ene qenero ninju-ninju teweya njuro inoyote. ⁵ Uni kato epe takatata tero khenjenjote njuko wimbo-wimbo tojete khenjenjoweya tiníqo, kimo meté mu kama reweya. ⁶ Uni kato koweyumu tero kho gima tero rimiro sopoyote njuko o newero korete qu se neweya. ⁷ Asa mande yeteno njaro kusumbo reya

* **2:1:** “Kristo Yesu” - komo suki ye-ye unindo Anutuko uni ka rokónoní mahero wiri yerete uni parámi horé tunogeweya qu karo yangurí. Juda unipareto uni maheweya nu, “Kristo,” ma, “Mesaiya,” ye nekanjurí. Asa Yesu mahini enenjo unipareyó, “Kristo Yesu,” ma, “Yesu Kristo,” nanje ye nekanjurí. † **2:1:** “samaka-samaka tuwó” njuko Anutu enenjombo nore samaka yereyote. Kimoyó moré kini.

rondanje qembe, dokoro Uni Parámimbo ino-inoke riní murí soso inji tondanjeweya.

⁸ Asa Yesu Kristo njuro ino. Enendo uni tapu konngo otoqaró, njuko Dewit† koro sowe qu. Miti mande§ nj yeyoteno. ⁹ Nunde njuroko quhurí korowoyoteno. Hamó, unindo no norero uni piyimi qembe kusi nerengurí. Quko Anutu koro mande nj kusiyowero mepémo kini. ¹⁰ Nu murí njuro no Anutuko unipare rokó yereró nj samaka yerewero quro quhurí soso nj korowoyoteno. Nunde tewego, enendo Kristo Yesuwore rambaruru takaro owé parámi rero suki-suki yowanngo. ¹¹ Asa nj mande njako mande hamó mu,

dokoro, nore eneya khumatowó tiníqo,
eneya suki-suki yowato.

¹² Nore quhurí koroworo kondé kanjawato tiníqo,
eneya uni kembé tunogewato.

Asa norendo ene huwónoyoteto tiníqo,
enendo njaya nore huwó nereweya.

¹³ Norendo mande ka yatowó nj kama howeyoteto tiníqo,
enendo mandí yaró nj watí howeyoweya,
dokoro mandí yaró nj rotowero mepémo kini.

Anutu koro kho uni meté

† 2:8: “Dewit” - komo suki Dewitko Israel uniparetoro wiri yerete uni taró. Anutuko Dewit kondé ino inaró, ko yate-yate Israel unipare njyako Dewit kondé ino inanngurí. § 2:8: “miti mande” njuko Anutuko Kristo asáñoní khumoro quhurínanimboro kimo tiní Anutu koya newonde kanata tewero njuro mande meté mu nanje.

¹⁴ Naru rokóŋo mande ŋa unipare yuno qembe. Yunoro Anutu toŋímo oresaka mande yunoro ŋande yimito qembe, asa ye mande enesó-enesó quro kiro mande ma yewero. Kiro mande ŋundoko o meté mu kama riní tunoqeyote. Kini, kiro mande ŋundoko unipare iŋoyotenŋo ŋu rowore yereyote. ¹⁵ Asa, keto mande hamó ŋu okeyá ta rondage yunoro Anutu toŋímo kho uni meté kaŋewero ŋuro kondé iŋo qembe. Nunde tero kowi piyo kama teweya. ¹⁶ Keto wu-ruwara uni mande piyimi yeyotenŋo ŋu huwó yere qembe, dokoro uni nunde qundo yateyate Anutu huwóŋomukowaŋgo. ¹⁷ Huwóŋoro mandeye muko mama parámi tero koweye kim-boŋeyote nunde qembe parámi tero usayeweya. Asa Himeneus, Piletus, irisa ŋuko uni nunde qu yotiri. ¹⁸ Enendo mande hamó takaro rotariyó. Dokoro ŋande yeyotiri, “Unipare khu-manŋurí qundo pitu ko otoqowaŋgo ŋu komo tunoqaró,” yero kumimboro iŋondutuye rowore-moyotiri. ¹⁹ Quko Anutuko eneŋo huru-huru koro tatá kondé qembe komo raŋoní kaŋeyote. Tatá saŋano mande ŋande nakayáŋaró, “Uni Parámimbo eneŋo unipareyó iŋomukote.” Ko mande kaŋuya, “Ye soso Uni Parámimboro owí nekoyotenŋo, ye otete piyimi ŋu huwóŋi.”

²⁰ Ya parámi ka quroko ŋuno kondó kumi golpo towaŋgurí qu, kumi silwapo towaŋgurí qu** ŋuno yotenŋo. Nuya kondó kumi kewámbo towaŋgurí qu, kumi nokopo towaŋgurí qu ŋuno yote. Kumi

** **2:20:** “golpo towaŋgurí, silwapo towaŋgurí” - gol koya silwa koyako o aini kekere qu, kimo parámi tetiri.

muko kondó meté, kumi muko kondó soro-soro moré. ²¹ Nunde nuro uni kato otete piyimi nu se rotoro ene sara teweya tiníqo, nuko kondó meté mu nunde qembe yoní enejo uni parámiyómbó nuro meténoweya ko kho meté tewero nuro kaneweya.

²² Simó keta qundo o enesó-enesó qene nunguwoyotenjo. Asa naru rokóñoro ke enejo ino-inoye nuro qene sorero sewemo yoto qembe. Ko unipare soso newondeye sara tiní Uni Parámi nekoyotenjo quya otete roneneñowí,^{††} inondutu meté mu, newonde meté yunowero murí nu, newonde ime, nu soso kondé seqayoto qembe.

²³ Ko mande enesó-enesó wimbo yeyotenjo nu huwóño qembe. Dokoro ke ñande inote, ko mande nunde qundo kuma nanje riní tunoqeyote. ²⁴ Hamó, Uni Parámimboro kho uni kato kiro kuma kama teyoweya. Kini, enendo o meté nanje te yunoro mande rondage yunoro o piyimi nuro topé kama teyote. ²⁵ Enendo uni ene pitoyotenjo qu imemo ino-inoye rongaruwoweya. Nunde tiní Anutuko samaka yirini newonde rohoré tero mande hamó inoyi tondañini ²⁶ ino-ino meté rero Monimbu koro powera takawangó, peka. Dokoro Monimbuko kusi yirini enejo ino-inoyó howeyotenjo.

3

Naru weña qunoko otete piyimi horé tuno-qeweya

^{††} 2:22: “otete roneneñowí” nuko Anutuko nore rokó yirini noreño murínani enejo murí howeyote.

¹ Quko ke n̄ande in̄o. Naru wen̄a* quno n̄unoko o quhurí qambu tunogeweya. ² Dokoro uni kumimbo enen̄omboro nan̄ge in̄oyowan̄go, ko mone koro kondé in̄oyowan̄go, ko enen̄o owéye hokoyowan̄go, ko wire-wire teyowan̄go, ko Anutu yesar̄an̄oyowan̄go, ko awa-náye man̄goye wendaqeyowan̄go. Enendo o meté mu n̄uro kama metén̄oyowan̄go, ko Anutu koro oteteyó n̄uro piyimin̄owan̄go. ³ Enendo topo tewero mepémo kini, ko topoyemboro quhuriye kama rotoyowan̄go, ko yesará yereyowan̄go, ko enen̄o koweye san̄an̄í meté kama sopoyowan̄go. Enendo san̄gírí tero uni rambaruru yereyowan̄go, ko o meté n̄uro san̄gírí parámi tewan̄go. ⁴ Enendo turirí uni topo-topoye re yunoyi yurowan̄go, ko in̄o-in̄oye wimbo-wimbo n̄u waka ta howeyowan̄go, ko enemboro in̄i oweya. Enendo kowe san̄an̄ímboro nun̄gurín̄go n̄u howewan̄go, quko newonde meté Anutu kama inoyowan̄go. ⁵ Enendo Anutu koro murí wimbo-wimbo howewan̄go, quko otete n̄uro wimbí n̄u ri umbuweya. Ke uni n̄unde n̄uro wosoya sewemo u qembe. Quno n̄unoko o quhurí qambu tunogeweya.

⁶ Dokoro uni piyimi n̄unde qundo pare kumimboya topo tero in̄o-in̄oye kusiyoyoten̄go. Pare n̄u in̄o-in̄oye moré kini, ko quhuriye qambu n̄undo in̄o-in̄oye sopro newondeye okokowoní nun̄guriye enesó-enesómbó yowosoní wimbo-wimbo uyoten̄go. ⁷ N̄u pare n̄undo mande kumi

* **3:1:** “naru wen̄a” n̄uko naru Kristoko pitu ko mahero unipare soso ronda yerero Anutuko o soso hamó wiriyoweya. (1 Tesalonika 2:19; 5:23 koya 1 Korin 15:24-28 weyo qembe.)

watí reyotengo, quko mande hamó ñu kama qene injoyotengo.

⁸ Uni piyimi ñuko, asa komo Janis koya Jambres ñundo Moses koya sangirí tariyó, ñunde nanqe uni piyimi ñundo mande hamó ñuro sangirí teyotengo. Ino-inoye muko piyo taró, ko inondutu hamó kama tangurí. ⁹ Quko uni soso oteteye kape-kape ñu qenero wisumunoyi oteteye piyimi ñu sowe tewero mepémo kini. Nunde nanqe komo unindo Janis koya Jambres koya otete kape-kapeyari qeneyango ñundiro.

Polko Timoti mande kondé kumi miraró

¹⁰ Quko keto neneño o soso ñu inomukote, asa mande rondage yunanowó mu, khe u-une, otetene ñuro murí, inondutu kondéne, mondó ta yowero muríne, newonde meté yunowero muríne, quhurí korowowero muríne, ñuro inomukote. ¹¹ Hamó, keto o piyimi te nunangurí ñu, kowe surumí tanowó ñu, Antiok yendémo, Aikoniam yendémo, Listira yendémo ñuno o soso nono tunoqaró, ke ñuro inomukote. Asa quhurí enesó-enesó nono tunoqaró, quko Uni Parámimbo ñu nongo noraró. ¹² Iyo, uni soso Kristo Yesu† koya womoro Anutu koro otete qu howeyotengo, uni sangirímbo uni ñunde qu o piyimi te yunoyowango. ¹³ Ko uni piyimi ñuya

† **3:12:** “Kristo Yesu” - komo suki ye-ye unindo Anutuko uni ka rokónoní mahero wiri yerete uni parámi horé tunoqeweya qu karo yangurí. Juda unipareto uni maheweya ñu, “Kristo,” ma, “Mesaiya,” ye nekanqurí. Asa Yesu mahiní eneño unipareyó, “Kristo Yesu,” ma, “Yesu Kristo,” nanqe ye nekanqurí.

uni kota-kota nuya o pi-piyimi tero unipare kaná yerero enejo nuya kaná yerewango.

¹⁴ Quko keto mande inoro inondutuwoyaró nu kondé towo gembe. Dokoro danimbo mande nu rondage kunangurí nu ino yunomukote, ¹⁵ ko ke simó tomó ta yotoro, yate-yate Anutu koro sokome surumí mongo ino-ino raró. Nu sokome nundo ino-ino kunoní, Kristo Yesu inondutuwoyi, Anutuko rambaruru konggo koreweya. ¹⁶ Anutu enenjombo mande soso sokomeko† nuno yote qu riní tunoqaró. Mande meté nundo nore ino-ino yunoro, quhurínani rongaruworo, khe u-unani nu ronenenoro, otete ronenenowí§ nuro murí rondage yunoyote. ¹⁷ Nunde tero mande nundo Anutu koro unipare yoriní kho soso meté tey-owango.

4

Naru rokógoro Timotiko Anutu koro mande yeweya

¹ Kristo Yesu* pitu ko mahero unipare yotenjo quya khumangurí nuya ronda yereweya. Mahero unipareyó hamó wiri yereweya. Nunde nuroko enejo tonjimo, ko Anutu koro tonjimo mande

† **3:16:** “sokome” nuko Anutu koro mande korete qu, asa Murí Tero yate Malakai kini tete. § **3:16:** “otete ronenenowí” nuko Anutuko nore rokó yiriní norejo murínani enejo murí howeyote.

* **4:1:** “Kristo Yesu” - komo suki ye-ye unindo Anutuko uni ka rokónoní mahero wiri yerete uni parámi horé tunogeweya qu karo yangurí. Juda unipareto uni maheweya nu, “Kristo,” ma, “Mesaiya,” ye nekangurí. Asa Yesu mahiní enejo unipareyó, “Kristo Yesu,” ma, “Yesu Kristo,” nange ye nekangurí.

kondé ña kimiroteno, ² naru rokóñoro Anutu koro mande yesowoyoto qembe. Hamó, naru metémo, ko naru piyimimo yesowowero khe quno kañe qembe. Naru rokóñoro newonde ime teya, mande hamó rondaqe unipare yunoya, khe u-uye roneneño qembe, oteteye piyimi mu rongaruwo qembe, newondeye rukisoyo qembe. ³ Dokoro, imemonjo unipareto mande roneneñowí ñuro piyimiñowango. Piyimiñoro rondaqe-rondaqe uni enesó-enesó qambu sega yerewango. Ñuro tero rondaqe-rondaqe uni ñunde qundo unipareto oteteye piyimi ñuro, “Meté,” yero quhurí kama yunowango. ⁴ Ñunde tiqo, unipareto mande hamó ñu huwóñoro kina mande enesó-enesó ñuro kusumbo rewango. ⁵ Quko naru rokóñoro koweke sopoyoto qembe. Kowe surumí ñu korowoyoto qembe. Mande wisiyoro unipare yunowero ñuro kho kondé teyoto qembe. Khoke soso temukoyoto qembe.

Polko ene khumoweya ñuro yaró

⁶ Dokoro, no sitúne windoronowe tete, ko roto tonewero narune tukuni tete. ⁷ Khe u-unemo kuma meté tanowó, khenjenoro wimbí tero takawe kini taró, Anutu inondutuworo kama rotanowó. ⁸ Asa ko kimo meté parámi rewano. Kimo ñuko otete roneneñowí† ñuro kimoyó. Naru wenja quno‡ ñuno Uni Parámi, ñu

† **4:8:** “otete roneneñowí” ñuko Anutuko nore rokó yirini noreño murínani enenjo murí howeyote. ‡ **4:8:** “naru wenja” ñuko naru Kristoko pitu ko mahero unipare soso ronda yerero Anutuko o soso hamó wiriyoweya. (1 Tesalonaika 2:19; 5:23 koya 1 Korin 15:24-28 weyo qembe.)

Ronda-ronda Uni roneneŋowí mu, ɲundo topé meté ɲu nunoweya. Ko unipareto ene maheweya ɲuro kondé sopoyotenŋo ɲu ɲuya kimo ɲu rewanŋo.

Timotiko waka ta Polko uyareweya

⁹ Kho kondé teya waka ta nono mahe qembe.
¹⁰ Dokoro Demas ɲuko o nokono yote ɲuro hamó inoro norotoro Tesalonaika yendémo ɲuno toɲeró, ko Keresens norotoro Galesia mirako uró, ko Taitus Dalamesia mirako uró. ¹¹ Lukiko nanŋe noya yorote. Asa keto Mak rero mahiri qembe, dokoro enendo khonemo horowe nereyote. ¹² Nondo Tikikus asáŋowe Efesus yendémo ɲuno uró. ¹³ Komo kowe punu-punu piruŠ ka Tiroas yendémo topone Karupus koya rotanowó. ɲuya neneŋo sokome ɲu soso siyika mahiní. Asa sokome makao kowímbo towanŋurí ɲu ma rotowero.

¹⁴ Aleksanda, ɲu o aini towoyote uni, ɲundo o pi-piyimi te nunaró. Uni Parámimbo eneŋo khoyó ɲu soso quro topé piyimi teweya. ¹⁵ Ke ɲuya eneŋo toɲete sopoyoto qembe, dokoro mande yatowó ɲuro sanŋirí parámi taró.

¹⁶ Naru korete mande khono kaŋanowó quno ɲuno uni kato no kama samaka nereró. Kini, unipare soso norotanŋurí. Meté Anutuko quhuriye ɲuro kama inoweya. ¹⁷ Quko Uni Parámi eneŋombo sopo nerero wimbu kondé nunaró. ɲunde ɲuro no miti mande ɲu mepémo yewe

Š 4:13: “kowe punu-punu piru” ɲunde qu unipareto kowe punu-punuye meyowo wehenjoyanŋurí.

uni wini meyowo** soso ηundo inoyango. Ko Anutuko no laiyon†† mangoye mongo noraró. ¹⁸ Ko Anutuko o soso piyimi te nunowango ηu nongo noriní enego yendé samboko yote ηuno meté owano. Owí suki-suki hokato. ηu hamó.

Polko unipare kumi yunguna yereró

¹⁹ Asa Prisila, Akwila ko Onesiporus koro suwi-sawiyó ηu ye yunguna yere qembe. ²⁰ Erasitusko Korin yendémo yorote, ko Tiropimus se khumo tiní Miletus yendémo rotanowó. ²¹ Kho kondé tero kutiti naru kama teyoníqo mahe qembe.

Asa Yupulus, Putens, Linus, Kolotia ko Anutu koro unipare soso ηundo ke yunguna keretenjo.

²² Uni Parámimbo kenjo yuqakepoya yoní. Anutu koro samaka-samaka tuwó‡‡ yeya yoní.

** **4:17:** “uni wini meyowo” ηunde quko Juda unipare kini qu nanje. †† **4:17:** “laiyon” ηuko númbowe parámi ka, pusi qembe, quko wimbí moré, mití parámi. ‡‡ **4:22:** “samaka-samaka tuwó” ηuko Anutu enenjombo nore samaka yereyote. Kimoyó moré kini.

Iyo New Testament
The New Testament in the Iyo Language of Papua New
Guinea
Nupela Testamen long tokples Iyo long Niugini

copyright © 2009 Wycliffe Bible Translators, Inc.

Language: Iyo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

eeccd6a2-c477-5b9f-9623-cf07dbead483